

157/20 1612 April 26., [Zug]

Notizen von Konrad III. Zurlauben über den Kaufhandel mit Johann Nussbaumer, alt Ammann von Stadt und Amt Zug, mit Übernahme einer an Oberst Heinrich Reding zu bezahlenden Schuld

A «Usskouff denn ich troffen unnd gethan mitt herren [alt] amman [von Stadt und Amt Zug] Nussboumeren [= Johann Nussbaumer], donstag nach osteren [= 26. April] a^o 1612¹ umb syne ahnsprachen ahn die kron Franckrich beider Gasconien [= Gascogne] unnd Montreau.

Namlichen unnd dess ersten so solle ich herren obersten Redings [= Heinrich Reding] schuld so 500 sonnen kronen jede zu 30 bz gerechnet unnd darzu 4 [...]allne² zinsen die 8 per cent uber mich nemme unnd zebezalen schuldig syn, sover ich aber über die 30 bz die kronenthürer bezalen solle er herr amman oder syne erben mier selbiges abzutragen schuldig syn [unnd ich ahne denen]³ zalungen wie volgtt innbhalten unnd abzüchen [.] Demnach so solle ich oder myne erben fünf die nechstkommenden jar einanderen nach als 1613 unnd 1614 auch 1615, 1616, lettstlich 1617, jedess jars imme herren amman vier hundertt guldin zebezalen schuldig syn, nammliehen imme selbstnen oder syne erben oder wemmer solches zugeben mier oder myne erben bevelchen wirdt dann solche ussteylung solcher der fünf jaren 200 kronen in allwegen zu synem bevelch willen unnd gevallen stahn unnd bliben sol. Jedoch vorbehalten was im lutt miner rechnung ahn gelt unnd anderen hieran gwertt unnd bezalt imme oder synen erben, ahn solchen denn fünff bezalungen solle abgezogen werden. [//]

Unnd ist die Barbara [= Barbara Nussbaumer] mit 600 gl bar gelt umb ir gros muotter gutt so 750⁴ gl. gult gsyn durch ir eheman Petter Itten [= Peter Itten] seligen auch umb irer kleider unnd alles usgricht unnd bezalt worden.»

¹ Siehe Zurlaubiana AH 28/124 (mit falscher Datierung), daneben auch AH 17/2, AH 17/4 und AH 157/21.

² Wortteil unleserlich.

³ Der in Klammern gesetzte Teil ist durchgestrichen.

⁴ Angabe in römischen Ziffern.